

頌

天

臚

筆

頌天臚草卷之十二

吳門布衣金日升茂生歲集

簡卹

贈少保家宰趙公

公諱南星字夢白別號脩鶴北直高邑人萬曆
甲戌進士博學工詞苑林夙推重之已爲吏部
考功司掌癸巳內計澄汰流品皎若水鏡于時
相私人不少假時相恨甚竟罷歸讀書樂志間
以舉業文字自娛每一篇出海內傳誦家食三

十餘年著書數千卷天下仰之如北斗天啓初
起爲工部侍郎遷都御史改吏部掌癸亥內訌
旋晉吏部尚書好善若渴嫉惡如仇意所不與
屹如山岳不可撼其所欲行則風行斧斷不復
拘攀常格如添設吏部司官一員以用鄒維璉
南御史王允成特拔改北皆異數也而朝議以
公高年碩德曲加隆重至有優免常朝之

旨蓋近代大臣所無忌者尤爲恠詫云初公家居
時恨丁趙等濁亂朝政及掌癸亥謹著四凶

論以黜之初還

朝時周某規知將柄用也郊迎公且拜且禮
意謂必得公懽公顧甚薄之於廣坐中嘆曰吾
入山三十年豈知士風一至于此乎某聞之
甚恨輔臣南樂之父公同年友也南樂雖大拜
公尚以父行自居一日談次南樂極詆李三才
公正色謂曰李公尊公執友也少年不可輕議
前輩南樂面發赤自是漸參商南樂來謁公戒
閤人無得通南樂忿忿去魏璫亦雅重公托所

知求題詩扇頭公毅然曰豈有端人而爲內侍
書扇者乎峻拒之璫慚恨會甲子孟冬廟享南
樂小失禮節舉朝攻之如寇賊南樂積忿不堪
遂反顏傾身媚璫出

中肯盡逐衆正旨中斥公爲元兇云公雖削籍
璫黨意未愜仍行撫按追賊謫戍山西而公亦
某甥某及客許念敬皆分戍邊遠

今上登極詔赦至戍所人士共酌酒爲公賀且
爲束裝是時撫臣某尚護璫局必待部咨方釋

以此憤卒未及歸里年七十八訃聞贈公官諡
保賜諡忠毅廕子一人

野臣曰語有之太剛則折又曰人道忌盈
趙公之名德而罹于禍其亦未鑒于茲爾
乎然不剛不盈名亦不成公之名與漢之
君爭烈矣

吏部尚書趙南星題爲言官阻抑用賢甚
可駭異不得已而籲天以拯孤憤疏

臣比者以老病再疏求去原非縱託老病之
人旣無好懷而加之以畏人歎世憂毒重心
自不難于立枯豈代有富貴功名之念哉此
之所以求去也奉

聖旨銓衡重任卿秉公用人朕所深鑒方望定
力主持何乃引疾謙退部務煩重着該司官
敦催卽出視事用副倚任至意該部知道欽

此臣不敢再辭卽謝 恩進部然惶恐殊甚
臣之用人萬萬不敢徇私第衰年綿力身在
風波震撼之中不能自立安能主持用人以
副

皇上委任之至意乎臣自入朝卽聞鄒維璉
之清方有爲由兵部而調之吏部苦心費詞
已見于前疏矣維璉江西人也江西道學節
義之區臣意其同鄉必彈冠相慶也而給事
中傅樞等進垢遇之必欲其去已不可曉矣

賴其鄉之先進委曲講解維璉乃到稽勲司
任臣大喜自此無諱矣及調考功司而諱更
甚傳檣遂上疏叅僉都御史左光斗及東林
都給事中魏大中以爲邪臣此二臣非碌碌
者也人皆知之無庸臣之稱譽也而又波及
汪文言嗟乎過矣及御史袁化中之疏出而
是非已明維璉以五月初九日到考功司任
臣益大喜而先一日有御史張訥之疏曰躍
冶之銓郎數煩 異命之招呼夫維璉之到

任由臣請 肯許趣不敢不從何謂羅治超

肯爲招呼出于何典此疏出而維繫遂不致
到任亦辯疏求去詎吳以抗肯責之收所

十五日到任其所覆諸疏折衷極其明允而
立意主于寬厚臣益大喜幾失此人而陳良
訓條陳錢糧言及人情奔競賄賂全行海內
一番計典必有一番營求臣糾紛訟案層疊靡
牙等語維璉疑其論已也而又向臣請去臣

論止之以爲此時人情厚自奔競譬如淫風
流行之時豈無靜女何忍以刺淫之詩爲法
而作也然考功司管計者也而又當大閑之
後安得無疑今外有橫夷內多賊民海宇騷
離可謂無象之亂矣爲臣子者宜念

皇上之憂辱同心勑力共濟時艱惟日不足
自三月初五日調維璉今八十餘日矣而舌
戰未已は無時而已也畏人歎世之不暇而
何暇營職且自此寧復敢用一人乎且維璉

而果邪人耶臣之用維璉而果以賄以昵耶
或左魏二臣而有私于維璉耶則宜指實明
叅之今明知維璉之賢也其進不由邪徑也
而但隱語嫚罵使之一日不得安其位臣亦
何能自安每相對黯然無色好是正身而思
自塵之憂升于秦階而有窮途之哭豈不羞
哉臣以用賢之故而累及于各官殃及于無
辜舉國不平而臣靜默以待風波之定至
今八十餘日不爲不久矣事由臣起又何所

待而不言乎將待左光斗等之去而後去耶
臣老矣左光斗等皆壯年正宣力之時無可
去之理臣日無可終默之理況事起于臣雖
亦何敢無言輒以惛臆之愚直陳于
君父之前萬不得已更望

天語訓迪諸臣偕于大道左光斗魏大中鄒維
璉勿萌去志共襄計典臣迂濶多事溷瀆
宸嚴至于再四自知無益于時從使庶官不和
非惟老病而已定自此不復有言矣伏惟

公
月
聖明察之

天啓四年六月初六日上奉

聖旨

贈左都御史鄒公

公諱元標字



別號南臯江西吉水人萬曆

丁丑進士公初第時江陵相奪情事起吳趙諸公已受杖公復奮死抗言杖一百謫戍自是直聲震天下雖兒童婦女無不知公爲忠臣者

神廟親政擢爲給諫旋以不合去家居垂四十年建仁文書院聚徒講道其中間爲人作志傳文字然公于文章理學皆以名德重不以本色重也天啓初起家爲都御史公自家居後挫銳

解紛遇事皆以無必爲宗不務浚刻有所條奏
亦濶遠不與時賢趣合顧能折節與時賢交時
賢亦以宿望戴公與趙高兩公並重類漢所稱
三君者時副都御史馮從吾與公以講道相得
共建書院于京師論者蠡起公遂罷歸居無何
卒卒後璫禍始烈仍削官追誥命沒而削奪近
代罕見唯公與顧公憲成卞公主立等橫得之
皆世所號爲東林蓋邪黨所最忌者也

今上御極贈公官保賜謚廕子一人

都察院左都御史鄒元標謹陳開學之原
以定衆志疏

臣以待盡之年日有家園之思行裝已裹待
期而請偶聞

聖嗣將誕大小臣工咸慶

聖皇有子臣受不次之恩不隨班行歡欣祝

頌豈臣子之情臣所以瞻戀遲回者以此本

月初四夜接兵科都給事中朱童蒙一疏爲
憲臣議開學之壇國家恐啓門戶之漸欲臣

等安心本分愛惜精神以東林爲戒以法度
風俗進賢退不肖等語屬望臣等思惟深哉
科臣心乎臣有味乎其言之矣先正云本分
之外不加毫末人生開道始知本分內事不
聞道則所謂本分者未知果是本分與否也
天下治亂係于人心人心邪正係于學術法
度風俗刑清罰省進賢退不肖舍明學則其
道無繇無偏無黨王道蕩蕩無黨無偏王道
平平臣等所講習討論者惟是銷反側以歸

正直冷有極以歸皇極若分門別戶則將數
所不載也湛湛清空鳶自飛魚自躍天自高
地自下此總皆造化生機浩浩長安大成
小成小德可成才可達盡是

皇上聖澤無一物不備亦無一事可少琳宮會
館觸目如林梵唄新聲拂耳如雷豈獨礙此
嚶嚶則古昔談先王之儒紳耶豈獨多此海
內衣冠萃止之壇坫耶臣嘗述思千古自吾
夫子振鐸東魯孟軻氏繼之唐韓愈謂軻之

死不得其傳所謂不傳者必有指歸至宋而
諸儒並起我明益光大有耀臣等方欲爲
孔孟求衣鉢之傳童蒙獨不思爲東魯延箕
裘之緒乎臣志學非自今日始也臣弱冠棄
舉孝廉從諸長者一登講堂此心戚戚旣謝
計偕獨處冰山者三年嗣入夜郎兀坐深箬
者六年浮沉南北棲遲田畝又三十餘年賴
有此學死生夷狄未嘗隕志所籍朝夕切磨
者無論他省即東魯則孟秋朱鴻謨王汝訓

其師友也記得隆慶丙申戊辰簡絲楷督學
國集諸部臣其餘人垂簪識并定姓并督
諸士人商度今未嘗以是出徐楷相業林
神宗朝癸未丙酉丙戌間臣等亦每集于演義
所月有講會時執政諸臣亦嘗過而問焉後
生不知今元輔所知也若以臣等講學雅宜
放棄斥逐之日以此澆其磊塊消其抑鬱無
聊之氣則如切如磋者道學一語端爲濟窮
救苦良方非盡性至命妙理亦視斯道太輕

視諸林下臣忝淺矣人生墮地高者自訓誡帖括外別無功課自青紫榮名外別無意趣惡聞講學者實繁有徒蓋不知不聞道雖極入臣勛勤旃常保不得本分事注是注非死是虛死朽骨清由黃腸數聲不知國與家昭諸飄泊何所此殆所以棄髮至老不能墮墮自甘者也臣又有言焉前年寺中某林諸臣有疾有行尤獨已徑惟是在賞罰其言意見一倡衆和幾付清流懲前覆轍予係事

等邦心在光天化日之下割藩籬垣牆按察
聞童蒙之言惟慈鞭自策更復何疑臣又思
詩云相彼鳥矣猶求友聲矧伊人矣不求友
生神之所之中和且平古人求友必有嘒嘒
相合臣等求友未得和平之韻先來同類之
疑願罷臣以爲倡學者之戒臣爲順則之民
足矣願

陛下經筵日講爲諸臣先無以臣等阻千百世
共學之心國家幸甚臣愚幸甚

天啓三年九月初八日奉

聖旨

都察院左副都御史馮從吾奏爲書院

建

臣

罪當斥懇乞

聖明罷

臣

以謝人言疏

頃

臣

接邸報見兵科都給事中朱童蒙一本

憲臣議開講學之壇等事

臣

讀之不勝惶愧

竊惟世道之所以常治而不亂者惟持有此
理學之一脉亦惟恃有此講學之一事講學
創自孔子而盛於孟子故孟子以作春秋開
楊墨爲一治至孟子沒而異端蜂起列國紛

爭禍亂相尋千有餘年良可浩歎至宋儒出而始有以接孟氏之傳然中興于宋而禁于宋是宋之不競以禁講之故非以講之故也伏惟我

二祖開基表章六經頒行天下

天子經筵講學

皇太子出閣講學講學二字昔爲厲禁今爲令甲是周家以農事開國國朝以理學開國也昨二月間因東事暫停經筵而言者

爲不可旋復舉行人人稱快然臣等竊思
君以講學而自已不講是欺也倘

皇上一日問講官曰諸臣望朕以講學不知諸
臣亦講學否不知講官何以置對倘

皇上一日御朝問諸臣講學亦有定所否不知
諸臣又何以置對今臣等刼建書院于此豈
爲名豈爲利豈爲官豈爲一身宴遊之地豈
爲子孫世守之業原爲南京十三省俱有而
京師爲

天子之都爲首善之地反無非所以壯帝都
而昭一代文明之盛況今夷虜交侵邪孽猖獗
獮正當講學以提醒人心激發忠義先臣主
守仁當兵戈倥偬之際不廢講學卒能成功
此臣等所以不恤毀譽不恤得失而甘心晷
昧爲此也臣罪良深臣心良苦矣夫以二百
五十年所未有之事而一旦爲之真爲可喜
然以二百五十年所未有之事而一旦爲之
真爲可駭無怪乎童蒙之有此疏也童蒙欲

臣等修職業持精神然講學正講其職業如
公何修精職何精耳童蒙可謂愛人厚教正
孔多矣臣方感之服之而又何暇與之辨惟
皇山察臣無他罷臣歸田使廟堂之上省此
一番議論臣即耕鑿深山亦有餘適臣不勝
惶悚待命之至

天啓三年九月初八日奉

聖旨

左都御史孫公

公諱瑋字

別號

藍石陝西渭南人萬曆

丑進士公童時有出世之志遇方外異人輒棄
家相隨一日夢逐一道人登高山似非人世軌
甚道人持一器若糜粥者食之謂曰此糊塗也
汝從此無神仙分當幹世間事業耳公夢中甚
悔驚啼而覺自此一意舉業竟成進士矣由行
人選給事中以母病不候 旨歸降爲桃源主
簿累遷至保定巡撫時淳沱水溢從隸勸公乘

船避水公曰吾居高位不可爲民倡譯衙中最高處居之曰水至此吾唯有死耳水僅及膝坐而退聞者知有大臣之節遷兵部侍郎轉戶部總督倉場陞兵部尚書尋爲總憲適巡按應天御史荆養喬與南直提學御史熊廷弼以事互訐時論欲獨罷荆公按法兩罷之熊黨遂劫公歸里久之起南吏部尚書改北刑部復以吏部尚書銜爲都御史朝士以公累朝名經權愛重之公亦折節俯循輿論不以年德自驕居

位甚得人心甲子以老病乞歸不允而卒卒
後陝西巡撫喬繼破其家仍追論削奪八弟
及子俱被禍

今上即位得蒙卹錄贈官廕子一人

吏部尚書管都察院左都御史蔡澤題爲
老臣生還無日報 國有心謹行尸諫
忠以佐 聖明極治疏

臣通籍四十六載游隲今官

三朝寵遇叨冒逾涯生平自矢庶稍竭爲寒之
力以上報

國恩不意積勞陡疾是以屢疏乞還骸骨未蒙
允放而危勢病篤易簣且時 嘗拋區區之
朴誠若不以此時一獻之

陛下忽焉長逝披瀝無門賁志入地長恨何已
語曰人之將死其言也善臣請陳垂斃之言
願

陛下憐其誠而採擇臣觀今日世界天災迭見
民不聊生內而城社之可憂外而蹙蹙遠近
固且日玩日愒法紀凌夷以致洶洶人心漸
成瓦解之勢時事至此不可不亟圖治平之
策矣

陛下宵衣旰食亦旣焦勞圖治雖堯舜憂勤殆

不過此顧臣謂治平莫如固結人心爲本謀
固結莫如級用著類爲流合臣謹謹補綴也
風雲之會者清無淚臣緒論雅是跼伏草野
孰落林泉或曾見庸而未竟其用如去任輔
臣劉一燝憲臣鄒元標原任吏部尚書周鼎
謨王紀孫慎行盛以弘鍾羽正張經世余茲
衡陳荐侍郎曾于汴老成丰采不盡發揮感
經言摘而未獲收其用如原任詞臣文震孟
鄭鄮原任科臣侯震陽臺臣江秉謙寺臣滿

朝薦審諤英姿尚有端方挺拔如科臣毛
龍偶以而言計事損序急創已深宜還故
丞南莊翰伯時如臺臣潘之祥深意籌邊
臬臣張崇禮並以不阿不附中樞公論
富隱登庸肅清展布又有清嚴有節如徐
徐恭相

陛下若鑒臣言斷然擢徐爾非其昭德塞違
也清效拾遺陳執中奏無節統綱提解事
以爲

陛下收拾人心者臣雖沒世庶幾忝以人事
君之寸丹也猶願

陛下寡欲以保

聖躬勤學以進

主德優容以廣言路明斷以攬大權天意可回
民志可定內安外攘四海熙恬九京之下臣
尚當鼓舞

聖明以還報

先帝之靈爽臣時刻就木永背闕廷老馬全

忠不勝續錄謹口授具疏語次失序不知所
云伏祈

陛下憐鑒採聽施行

天啓四年八月廿二日上

野臣相澤公先年八月初十日病發頃
即此敬告人以尸諫遺疏也惜乎一腔忠
君報國之誠而不能用公目是不瞑矣今日
英爽有知能無欣起于九泉耶

頌天臚筆卷之三

吳門布衣金日升茂生父著

起用

韓少師

公名熿字



號象雲山西蒲州人登萬曆壬

辰進士由館選入翰林孤介鯁直清修無欲天
啓中拜東閣大學士秉正嫉惡嘗面斥匪人時
羣邪附會爲挺擊三案誣以黨護言官與宗伯
孫慎行冢宰周嘉謨同有鐫秩之命旣因當事

疏救得奉

溫旨念輔弼大臣姑免罪公親 朝政大壞逆
璫權勢日益熾羽翼日益繁內外蒙蔽傳奉
由一時公忠大臣被讒廢黜誓以去就棄之
得放還單騎出都門唯二三蒼頭以琴書數
相隨家居蔬食布衣蕭疎若寒士居心如水與
世相忘無復春明之夢矣恭逢
今上御極臺省百執事交頌公之清風峻節
上亦素知其賢屢旨獎諭遣官迎召

君臣道合際

堯舜之世而皋陶稷契復見于今日也

大學士韓爌謹奏爲奉職無狀懇負罪戾聖
恩乞賜罷歸以重政本疏

臣以謏材通籍特從荷蒙

先帝拔擢

皇上眷存得從諸臣後備員中書叅預機務頻
年以來功能無聞愆咎日積卽如南北用兵
軍需匱絀不能資 廟略以佐邊籌寇災頻
告徵發驛騷不能軫民艱以培邦本詰戎宜
先營衛而觀兵禁掖無能抒 宵旰之憂忠

直尚稽 召還而榜樣 朝堂無能同 震
霆之怒於後先多官之斥逐 諭旨出之威
嚴在

聖明振肅紀綱中外懼興黨禍而 臣既不能憂
時深念有失調劑之方又不能臨事挺持爲
封還之戇斯皆 臣罪狀之大且著者

皇上釋此不問而微示詰責札 諭欵列諸事
前輔無此謬戾同官不相救正揔屬罪端曷
容深辯惟是看詳文書向有綸扉故事商榷

有甲可乙否之殊而票擬無左圓右方之費
伏蒙

皇上責臣以協參責同官以協贊最急甚至諸
臣且奉以從事而臣欲補過無由矣糠粃偶
前極知非據薙除且及尚昧妨賢臣之愚也
亦臣之罪也旬日以來杜門席藁恭遇

皇上聖壽節辰勉出慶賀拜舞班行不勝隕
越比還私寓昏眩頓增形神不屬跬步不能
出庭戶乃知本綿枝竭福溢災生上之所汗

卽天之所弃臣卽欲凜奉訓辭勉圖策勵萬萬不能已伏望

皇上亟禱

臣

官仍治

臣

罪以爲忝冒逾涯輔理

溺職之戒庶政本以清國體不褻倘蒙

聖慈曲垂鑒貸俾病廢餘生歸骨丘里喙息尚存得以頌

皇仁而祝

聖壽實爲厚幸跼蹐循省罪罰深重恐未易以邀茲

恩造也

臣

無任懇天待

命之至

天啓四年十一月二十五日具題奉

聖旨

少師兼太子太師吏部尚書中樞殿大學士韓爌等謹奏爲遵奉

聖諭事

臣等欽承

皇上屢諭叅定附逆一案反覆商酌除將祠頒贊導諸臣分別重罪擬戍以至削籍爲民開列欵項具疏奏聞及

聖諭事本爲公而勢非得已素有才力而隨人點綴如封疆遼黔及素任無過諸臣俱置弗

議處外若稱頌內稍次前款諸臣或居位鮮
雄偉之略而指縱亦無奸謀或濫竽備疇朱
之員而線索初非自主或徑本詖邪搆璫惡
非爲戎首或階因驟躡稽職掌尚未全墮以
逮專閭建牙品原庸碌散僚冗吏淺昧擬待
者臣等欲不擬減等則恐前重而後輕非
聖明畫一彰法之意欲槩擬削籍又慮罪輕而
罰重乖治朝酌量宥過之仁謹依考功法
不謹例一款將諸臣並擬開住另請

上裁如蒙

皇上俯允彼重處者知媚逆之不可爲卽寬政
尚從褫削此量懲者幸身名之未盡辱縱稿
項亦荷

恩波其於振惕人心培養元氣未必不均有藉
矣至內中軍民商匠數本臣等初擬行撫按
查究旣覆思之民輩么麼末品見縉紳尚且
風靡彼效尤何復深怪又聞上本時多棍捏
名希榮竊潤今名雖在而人半非若必行查

恐有桃僵李代之虞其真正倡謀罔利此地
方官執而治之可無重煩

宸斷爲也再照此舉臣等凜奉

聖謨臚分二案考據不敢不核程量不敢不平
秉心不敢不虛持義不敢不正年來目覩耳
聞收括略盡卽更有溢出或存疑者決無元
惡大憝得竄逃于指視之外

聖諭縱有漏遺亦赦而不究大哉王言真與覆
載同量從此靜戢玄黃各修職業養世道平

康之福慰

聖明宵旰之憂_臣等願與大小諸臣共勉之矣
_臣不勝激切冒昧之至

崇禎二年三月二十三日具

大宗伯孫公

公名慎行字



別號淇澳公爲荊川唐先生

之甥文章理學宿有淵源萬曆己未廷試第三
海內咸稱得人登第後更謝客齋居唯以讀書
求道爲務塵事毫不經懷人亦不敢以流俗語
相溷通籍三十餘年蕭然寒素于故業未嘗增
長尺寸也論者謂其清德近世罕覩累官至禮
部侍郎署部事時

光宗儲位雖定而福藩尚涉危疑公敷陳調劑

趙令就國隱然有羽翼之功晉尚書

光宗大漸左右妄進藥物俄而晏駕民間訛言
被弑公不勝痛憤具疏叅輔臣方從哲坐以趙
盾弑君之罪議不得伸棄官歸方相家京師尤
持國柄與戚畹內侍交結磐固黨與甚盛聞公
與爲難無不欲剽刃公腹者魏璫得志遂削公
職仍追賊遣戍罪案已定未經江南按臣發遣
是公久在籍丁卯秋已掛號爲着伍矣而
今上登極赦詔至竟得免戍人謂公誠心至行

天地實陰相之今公道大昌物望攸集行見
明良慶會共贊

中興盛治于萬禩云爾

王侍御

公名心一字純父別號玄珠直隸吳縣人登萬曆丁未進士選授行人奉差出入京華不煩驛傳不受餽遺以廉謹聞天啓初拜爲江西道御史執法廷諍有折檻風時姦媼客氏與逆璫魏進忠相爲表裏矯旨亂政請封邀賞傳奉自由中外疑懼

熹廟寵信加以特恩異數逾于開國之列公每上言乞裁抑之云今日

聖意當念遼左將士勞苦宜先慰卹乃鼓激其
氣攝服其心以得人人自効爲安邊之計若婦
寺侍衛微勞只須優以金帛慎勿賜之茅土亦
不得先宮中而後疆場也時有科臣倪思輝朱
欽相等疏論客氏致觸

聖怒竟以落職被譴公又極言申救之於是媚
璫者咸畏忌矣遂嗾當事僞擬矯旨降公三
級調外任去歸未越歲而又被黜矣公家居杜
門謝客日以課子爲事甲子緹騎四出吳楚爲

甚里開誦傳某當逮矣某當逮矣訛指公繇是
惴惴朝夕兢惕凡以言獲罪者皆不能保此頭
顱也足不出戶食不下咽但危坐靜聽聲息寐
迫于卯秋逆璫事敗滂內正人始得貼席以享
黃髮餘榮隨荷

聖明召起公復列西臺之三月而三上疏抗籌
時事有裨

聖政悉採錄焉

黃髮翁榮蘭荷

五十七年林氏散事甥翁內五人散事甥翁以事
出外不出戶食不下即臥或坐情類類然其
語語以文類翁引以言類罪者皆不謂其出類
甚里開語新其當處矣其當處矣將許公繼其

江西道監察御史王心一題爲懇乞聖
明垂念東征之苦以義裁恩疏

臣聞明主恩不先于至近賞必加于有功故
漢光念戰傷之將則代分子女之憂宋祖思
征蜀之寒則自解裘帽以賜此所以能激勸
三軍而使之用命也不幸遼左破敗三軍之
士拋妻棄子披露眠沙枕戈待旦經撫按道
莫不臥不解衣食不重飽以拮据于青燐白
骨之間蓋今日莫苦于遼之文武將士則

朝廷凡有慰勞存卹宜莫先于遼之文武將士也近者臣連接邸報惟見明旨一則曰奉聖夫人客氏保護効有勞績着戶部速行擇給地二十頃以爲護墳香火之用再則魏進忠侍衛有功着工部于陵工告成敘錄在內一似

上心獨以私恩爲惓惓者微臣苟可將順何敢冒狙撓之嫌然處不諱之朝令臣畏罪不言忍視

聖明之過舉是又不忠之大臣不敢也夫當此
經撫協勦賊之謀將士鼓渡河之勇聲靈纔
振捷伐有機人心瞻仰專在朝廷臣恐不
諒者以爲

皇上先左右而後疆場重懷宮中之私勞而輕
念邊臣之積苦

聖德無瑕忽有此累則不便之甚臣又恐東征
文武將士聞之以爲吾屬捐軀命冒鋒鏑爲
天子任艱危曾不得如左右之人微

聖衷之著注重臣去語之叮嚀毋乃解其體而
厭其心乎則又不便之甚臣愚以爲卽塞民
之保護應酬進忠之侍衛可賞何妨優以金
帛如一彰

聖諭如給土田明示教錄流播聽聞殊傷

聖德又况

梓宮未殯而先規客氏之香火陵王告成而

強入進忠之勤勞于禮爲不順于事爲失宜

臣聞忠臣愛君必防其漸乃臣猶未及深言

其漸也臣近讀撫臣王化貞遼事甚難疏中
夫帽短衣幾同兵子泥頭土面有如塑人等
語臣深爲之憮然又接得按臣方震孺手書
有云自來無遂萊艸而居之按臣惟有勦力
行間身先羸卒期熱血早灑以謝知己而已
臣又不覺爲之泣下臣意我

皇上聞此光景必且戚戚動念正宜抑宮中之
賞裁左右之恩特發明旨遣使齎金急乘
誓師之會一示不測之恩詔之曰朕臥薪嘗

膽不忘遼土爾等其各用命殺賊毋負朕望
如此則三方將士皆如挾纊投膠四衛人心
罔不瞻雲就日奴之滅也何日之有臣是以
雖欲畏罪不言任

聖明之顧小而遺太臣愈不敢也用是昧死于
瀆

宸嚴臣一念狂愚不知忌諱惟

聖明矜察

天啓元年九月初六日具

奉

聖旨這奏內奉聖夫人客氏護墳地畝前已有
諭念係阿姆比別不同增數不多如何又來
激聒其遼東文武將士披露眠沙朕豈不憫
念發帑犒賞隨依所請有何吝惜且內廷恩
澤與閭外大計有何干涉輒乃牽引瑣瀆不
諳大體姑且不究

江西道監察御史王心一題爲忠言可味
懇乞 聖明俯諒言官之心以維一體之
誼疏

臣嘗讀漢史至文帝有所幸慎夫人與皇后
同席坐中郎將袁盎引卻慎夫人坐帝怒夫
人亦怒及盎以尊卑有序對帝悅以語慎夫
人爲賞五十金夫妃匹之際宮禁之嚴盎以
小臣慙直乃爾文帝不惟容之而且賞之夫
亦謂其心主于愛君原非有他不如是則人

主之過失無繇上聞也况我

皇上擅天縱之聖具堯舜之資何有于漢文近
者科臣倪思輝朱欽相疏論奉聖夫人客氏
其心不過謂

聖明之諭旨不可不信

祖宗之家法不可不守官禁之防閑不可不肅
蓋望

皇上爲堯爲舜以成清明之 朝廷而已尚不
如漢臣犯妃匹之嫌有卻坐之愆也不意有

干

聖怒罪以沽名遽加降調臣衙門已有公疏申
救諒

聖心自能轉圜臣自可無言但臣伏思言者一
段苦心積慮不透徹于

皇上之心恐

聖主有納諫之資佞臣進拒諫之計則言者危
而天下亦與俱危是以復不能已于言也臣

嘗譬言官之有言猶醫者之用藥醫者以藥

治人有如其人曰爾何沽名而以藥苦我則
良醫必走而其人病危矣然而世必無此
人者以知良藥苦口利于病也夫言官亦何
名之有言者多適以表我之能慮聽者直適
以表我之能容頌大舜者曰舍已從人頌成
湯者曰改過不吝蓋惟此顯名

皇上能有之

皇上不自有而以其名予臣下於是世始得指
而稱之曰此

皇上之逐臣曾以諫諍蒙譴者也而言官之體
於是愈苦矣臣又伏思明旨謂內廷之事
與外廷有何干預臣每反覆斯旨以爲非
宜何也今日之患正在官府不能爲一體中
外不必爲同心彼牽此制事事牴牾甲可乙
否人人異指故疆場日危一日政事日壞一
日民生日蹙一日

皇上正宜通其血脉使天下臣工皆視

皇上之事如其家事件件照管節節呼應何憂

天下之不治昔唐高宗欲立武氏爲后羣臣
苦諫李勣獨曰此陛下家事何必更問外人
遂至流禍唐室大約佞臣之言往往類此不
知王者以天下爲家一家事莫非天下事彼
兩科臣者憂深慮遠其言不無過激然正其
家事視國忠于

皇上之職分也且人臣事君如子事父豈不知
從諛可以取權矯拂易于獲戾但事有順則
相害逆則相成者不得已而寧逆毋順以撰

君父之鱗孔子曰忠焉能勿誨乎此二臣之謂也伏願

皇上諒其樸誠俾還原官行其所言今後凡有章奏更祈

皇上于披覽之時留意三思務使苦口之辨一一不礙

聖心咸受之量如此則

君臣同體天下幸甚臣草疏已就見臣同官馬

鳴起

聖孝以繼述爲大一疏已荷

天恩曲賜優容乃知

皇上真不世出之

主舍已從人未嘗不可爲大舜改過不吝未嘗

不可爲成湯亦在力行之而已

臣

愚不勝祈

懇

聖意融回環召二臣特

命之至

天啓元年十月十一日具

奉

聖旨屢諭不許瀆擾王心一如何又來激眩朕
本內引用前代故事悖謬不倫好生任妄奏
當重處姑從輕降三級調外任用該部知道

文毀撰

公名震孟字文起直隸長洲人登天啓壬戌狀元公爲孝廉三十年清標絕世物望所歸及第後海內卽以文文山忠節期之會言路有攻訐鄒吉水媚璫者公首疏斥之璫怒幾中公危法賴韓盛二公力救僅落職回籍尋以逆璫嫌隙廢黜編氓時有危言浪傳公神氣恬夷言論自若入竺塢山讀書賦詩灌花蒔藥蕭然有塵外之文司方韻士負笈過吳門競欲望見顏色屢

盈戶外公惟獨坐一室弗與妄見竟日緝閑書
業但焚香啜茗洵矣當今清流第一人也詩來
盈尺不暇枚舉祇附除夕元旦紀事言志諸篇
以見公之高致云戊辰言路交章共薦

聖天子特起爲侍讀公尤高臥更越歲始出山
明良際會行且翊

中興于萬年矣

封事見後

附詩六首

甲子除夕

喜見春回在歲寒物華無語靜中看
梅因地添枝猶凍鳥以人幽歌每懽
叢桂向能招隱士高松何必避秦官
青山粧點還須我谿可名愚谷可盤

其二

誰能送歲不新篇作者如林孰可傳
多半江南嗟賦飲大都遼左歎烽煙
或云世局真環轉共指民生似磬懸
我但一樽酬令節懶從風色卜

來年

乙丑元旦

又隨雞唱尾羣紳也作階墀拜舞臣
終闕三年簪篸夢滄江萬頃浩歌身
開雲恍見扶桑日聽鳥疑聞上苑鶯
淪落于今何所願乾坤同領太平春

其二

柏樽狂倒醉親知共喜年華汎酒卮
領略光天無妄想破除塵界有新詩
厭迎帝笑休觀劇愧

問輸贏不看碁斜日半窻香一縷百般時寫賀
春枝

丁卯除夕

芙蓉爲帶蕙爲紳且與清時譜逸民一歲風
波驚噩夢兩朝天意見王春景同怖鴿惟
皈佛跡學潛虬未敢神笑語兒曹須起舞樽前
難得太平身

戊辰元旦

崇禎元年
歲朝立春

元年元旦正元春主聖如天百度新日月光

華瞻 盛代江山安穩着畸人掃門未解供頻
笑啓事寧容到隱淪飽弄煙霞三萬頃漁歌樵
唱報芳辰

戊辰除夕

留得餘生戴雨塵君七年高臥動星文諸公衮
衮誰青史一士悠悠尚白雲歲月謾誇烏兔捷
漁樵閒話觸蠻紛中宵自度昇平曲恍似咸韶
帝座聞

翰林院修撰袁震孟奏爲

國步艱難

聖衷宜啓敬陳勤政講學之實以裨治本
杜亂源疏

臣聞古語有謂厝火積薪以爲安者可爲痛
哭乃今日之勢豈惟厝火幾于燎原矣奴賊
兇氛正熾羈虜隱禍方深徐淮一震則江北
江南將爲蹂躪之地黔滇不守則東楚西楚
復虞恒擾之憂濟濟班行未見腹心爪牙之
足寄紛紛兵餉惟聞瘡痍溝壑之堪悲蹙地

喪師無歲不有敗軍殺將所在相聞此真大
小臣工勢力同心寧膽臥薪之日而因循格
套粉飾虛文卽

皇上其爲堯爲舜之資亦毫無啓心沃心之助
將使

祖宗金甌無缺之宇宙日消月削勢將瓦解東
支西潰又同河決此皆諸臣悞國以至于此
明知火之將炎而處堂自若但俟火炎而燕
飛亦料水之必沸而遊釜無愁猶異水沸而

魚躍此又諸臣之愚而自悞今日非

皇上獨奮精明大破常格以鼓舞豪傑之心發
舒忠義之氣天下事固未知所終也蓋常人
之情激于振發則富貴之士皆可引于功名
安于頽靡卽道德之士未免流于迂腐
皇上昧爽臨朝寒暑靡輒於政非不勤矣而勤
政之實未見也鴻臚引奏跪拜起立第如傀儡
偶之登場了無生意則

皇上之聰明何繇開暢臣意

祖宗之制唱六科則六科必當以次白事唱西臺則西臺必當以次白事奉某部知道則某部之正卿亞卿又必當以次白事職糾彈者糾彈職條奏者條奏剖析機宜獻替可否皇上憑而聽焉與輔弼之大臣面商而裁決焉雷厲風行斷不踰頃不惟

聖智足以明習練達卽在廷諸臣亦且可以見其才可以徵其氣可以試其倉卒當事者糾精思于職守之內而無有軼志事外者亦與

起于景色之新而各有奮心若僅僅揭帖一
紙長跪一諾北面一揖周旋進反祇畢朝饌
安取此駕行牙繡橫玉署金者爲也 經筵
日講 臨御有期于學非不講矣而講學之
實未見也史臣進講鋪敘文辭第如蒙師之
誦說無開悟則

皇上之睿智何自周通

臣聞

祖宗之朝

君臣相對如家人父子軍國重事問閤隱微無

不諮詢無不洞達故雖深居九重而情形舉
照懷奸挾術既無竇可以自藏左右近習亦
無緣可以蒙蔽若僅僅尊嚴若神上下拱手
精神不振提醒不靈恭默之容或寡而生倦
跛倚之衆亦怠而欲休經傳典謨祗成故事
安取此正笏垂紳展書簪筆者爲也

皇上之神情旣與羣臣不相浹洽則

皇上之靈爽必與天下不相昭融退入內廷而
耳目所觸發德性所薰蒸自不越于中涓常

鄭太史

公名鄭字謙並別號峯陽直隸武進人舉天啓壬戌進士公少穎悟過目成誦髫髻時知名世貴盛然嗜讀書好折節東南名士爭重之十九舉于鄉迨第禮闈入史館才名籍甚董宗伯玄宰評其制義直繼王唐公清方英特不肯徇格套時王司寇紀以劾客魏被削策蹇驢出都公賦蹇驢行送之一時傳誦吉水鄒先生時引講學曰吾畏友也入館七十日會文殿撰震孟上

書泱旬不報時傳中外有線索交關公慨然抗
疏直陳留中及內降之弊疏引權璫煬竈姦朝
藉叢語有摘之以激璫怒者幾不測值講筵諸
老申救得落二級去公歸益閉門著書忠愛無
怛怛見乎詞村居却掃江左人士望之有天際
真人想獨于諸君子之遠也皆周旋無所避遲
卒偵以報璫會六君子同死詔獄獄生黃芝六
葉燦然爲獄卒所蹴公爲賦黃芝歌詞聞都中
璫怒甚而公父振先曾任禮曹首劾山陰朱相

君十二大罪浙人多怨之方逆璫搆虐徐大佐
劉志選皆故相親暱爲璫軋兒擅政指公爲黨
魁丁卯遂織入顧同寅獄詞削奪永錮公避禍
爲訪道之遊登廬阜越嶺覽羅浮諸勝芒屨道
裝人不知其爲峯陽也

龍飛之始諸護璫局者力扼公扼者旋以媚逆
敗乃奉

旨環召而扼之徒意猶未已然無如公論何則
仍補公庶常李侍御長春疏云博聞強記之鄭

鄭人豔稱江南真學士者三月庶常七載廢棄
卽不破格優擢奈何猶不與以應得之編簡受
傳習于同咨等超承于後輩事體之大乖錯者
也適下外艱躡蹠幾絕端居讀禮日侍太夫人
側不復一通貴游蓋公遂若無意于世道者嗚
呼如公者其可無意于世道也哉

黃芝歌

我聞東散長吟後靈芝不肯煌煌秀胡爲平來
園中履夏至陰滋益其候一枝兩枝徐相湊純

坤成數意乃究瑞氣所鍾神物就下爲河岳上
爲宿色正中黃神之祐天心有在愚者詬似蘭
當門義致寇狐狸鯁鱗紛踐蹂茫茫杳杳何足
叩靈根乘願匪輕茂繁花空與雕欄簇腐草欣
欣非我族條然挺出人間宥寒芒熠爍光雲繡
榮枯傾刻寧不壽根浮葉落中無疚優曇一現
真奇邁如鳳皇鳥騶虞獸已矣自今無馨臭瓊
臺瑤宇居還舊我所思兮商山岫高山莫莫流
水瀏天空誰和松風颼東園綺里清音奏曄曄

療饑吾所授相將散髮仍披袖駟馬高蓋危且
陋盍歸乎來唐虞宙

翰林院庶吉士鄭鄭奏爲 聖治方新昌

言當採懇乞 聖明早鑒留中之弊以塞

亂源疏

臣蒙

聖恩讀書中祕歷觀往古興亡之轍循覽今日
理亂之幾每中夜屏營憂心如擣頃見脩撰
文震孟疏私慶有爲

聖主忠言之人意

皇上天縱聖明必將逖思深悟立見施行矣乃

候 命決旬未蒙報可 臣竊疑之 臣惟章奏
之批答官府泰交之騰理也或朝上而夕下
或夕上而朝下則 君與臣相知君與臣相
知則大臣不得以攬權小臣不得以營竊近
臣不得以蔽明一付之寢閣而中有不可知
者矣夫上書不報者是 留中之漸也留中
不下者是壅遏之萌也壅遏不通者是竊弄
之機也此不可不深長思也今若經

御覽而留中則非止輦轉圜之義又若不經

御覽而留中必有伏戎援奧之奸有譏寒心未
得所謂攷之 本朝故事此弊惟

武廟與

神祖末年最多在

武廟時蓋因權璫之煬竈在

神祖時則係姦輔之藉叢

聖主當陽如日始旦何以忽蹈其弊此所謂有
不可知者也國家之患其始皆起于不可知
及其可知則相顧歎息而無可如何矣方今

時事日非疆場多故中原有狼豕之突當關
無廟豹之雄臣謂此皆已見之病醫力猶可
施而留中之事並候微結非

皇上推見至隱未易藥也臣歷稽史冊凡召讎
之端有二而今皆見之曰內降也留中也內
降之屢旨用以頻斥大臣其機關使人駭
而留中之一綫或以陰濟

聖慮其徑實使人疑清明之朝豈宜有此語
有之其微易著也其未兆易謀也臣願

皇上之早圖之也職初荷作養本無言責但實

見留中爲治亂所關且數日以來未見爲

皇上言者故不敢避出位之誅略陳梗槩伏惟
皇上亟賜省覽國家幸甚臣愚幸甚

天啓二年十月廿九日具題奉

聖旨

湖廣道御史馬鳴起題爲 聖孝以繼述
爲大 明旨以禮法爲經懇所毅然立極
作 天地萬靈之主虛中轉圜慰中外臣
民之心疏

臣聞

人君一身天之宗子蓋天以君爲元子則君必
當以天爲大父母矣故所居之位曰天位所
食之祿曰天祿宣于口者曰天言垂于世者
曰天則有所賞賚曰天恩有所儆斥曰天罰

少須頂天立地無私恩無私怨中正自持庶
可以齊家治國稱肖子焉若人臣之事君也
戴之如天戀之如父莫不願具修身齊家相
承付託之重對越祖宗之靈豈其激聒沽名
良以分義莫逃感恩圖報有不能已耳去歲
皇考賓天時

皇上孤危移宮未定大小臣工莫不飲泣含鳴
憂惶靡措及榮登大寶莫不舉手加額共
慶神明有主比見

聖孝繼述膺智風成又莫不懽呼舞抃共慶奕
葉重光今且五年于茲矣古者十五而志學
謂其成人伊始亟宜修身齊家以爲治國平
天下之本日見

聖諭擇九月二十六日午時吉奉聖夫人客氏
出去朕思客氏朝夕勤侍朕躬未離左右自
出宮去訖午膳至晚通未進用暮夜至曉憶
泣痛心不止安歇勿寧朕頭眩恍惚以後還
着時常進內奉侍寬慰朕懷外廷不得煩激

卿等傳示大小臣工知之特諭欽此臣捧讀未畢驚惶無地凡可以調護

聖躬寬慰

聖懷者果其無傷于義外廷諸臣當何如將順以貽

君父之安乃敢過爲激聒乎細思大義有殊不然者客氏朝夕勤侍不過曲謹微勞孰與

皇考

聖母生身之大保姆外出憶念痛心幾傷

玉體之和誠思

天地付畀之身

皇祖

皇考燕貽之重不知當何如珍攝至諭諸臣不得煩激是

皇上英明首出知此番舉動未協輿情煩激所不免者蓋在廷諸臣保護愛戴之私豈盡後于婦人即眷念乳哺之情在廷諸臣豈不謂皇上如天之德但恩可酬也錫以一品之名號

加以第宅廕其胤子則酬不謂不厚矣若謂
在內乏調護之人也則

中闈有主已叶坤維之貞 兩宮順承共抱衾
稠之好左右朝夕不可謂乏人矣乃客氏者
旣出而復入已去而復召戀戀不忍割使絲
綸拂經喜怒乖錯豈所以令天下後世者也
臣以爲不便有六

祖宗家法親王旣長出封就國 皇太子冊立
使居東宮家人父子之間毫不假借今乃一

箇保姆長居禁地謂家法何不便者一庶民之家禮法自持者恒嚴閭域之戒時肅内外之防紫禁遂遠保姆何人乃輒輕爲出入非所以肅宮禁之防也不便者二夫貫魚承恩小星誦德美宜家者方慕刑于之化且女德難終婦怨不拯怙寵邀恩之漸可無履霜意外之虞不便者三宮闈動定原非外廷所能窺測然弓影無傷生疑鼓鐘時聞于外近習權璫線索易透涓涓不已將成江湖

不便者四今之出入外廷以爲不可而爭之
皇上以爲無傷怒其沽名而罪之書之史冊謂
以一寵婦之故相繼逐言官貽累

聖德不便者五國體所關內肯切責閣臣亦
力主持則貽譏青史主持不能得之

皇上使天下後世謂

皇上視輔臣不及一保姆輕朝廷而羞當世
不便者六此故微臣款款之愚實

皇上所宜默思者也再讀

聖諭謂臣下逞臆沽名欺朕幼冲夫臣而敢欺
爲天下之大戮諸臣奚敢自犯至幼冲二字
似非

皇上所宜言者蓋

皇上天縱神資當此

聖作物睹之時精心講學軫念邊疆發帑無留
難之色批荅有如流之美即問道訪落曷加
焉况在事以來視漢昭辨上官之詐又數年
矣奚可以幼冲自命而罪下臣之敢欺也

皇上以宮闈爲重以繼統立極爲主斷絕小思
勿徇于嗾呶嚙聒之言採納羣議勿任夫喜
怒愛憎之私將

天地

祖宗實式靈之豈特大小臣工共沐高厚已哉

臣無任惶悚戰慄待

命之至

天啓二年十月初七日奉

聖旨奉聖夫人客氏遵

聖母孝和皇太后遺旨保護朕躬于外廷政事
有何干預本內線索字樣指何事件是何主
意且屢諭已明馬鳴起如何故不遵承又來
撥拾瀆擾本當杖處念輔臣具揭申救姑從
輕罰俸一年再有這等的定行重治不饒

戶科左給事中陳良訓題爲憲臣之疏宜
明權閹之惡宜罪懇乞 聖明立斷以安
宗社疏

臣讀史至宋見司馬光知諫院疏論任守忠
十大罪英宗中主耳未卽行其言然卒聽韓
琦以空頭勅竄之遠方千古頌爲美事如今
日太監魏忠賢久經言官周宗建參論不一
而足顧憲臣臚列罪狀特疏糾明忠賢惡倍
守忠罪浮遠竄

皇上英明天縱太阿在握立逮而置之法以快
舉朝公憤實顒顒望之乃忠賢具疏反徼
明旨而憲臣之疏尚未報也 國家二百五
十年來從來未有叅疏不下辯疏先下而有
之自今日始又自忠賢疏始 臣未見忠賢疏
抄不知餽辯何語但捧讀任事過直不避形
迹致生猜疑之旨夫不避形迹則有迹可據
矣致生猜疑則有事可疑矣忠賢種種罪惡
所懼者

皇上知之乃

皇上明知之而明覺之在

皇上或謂孤雛腐鼠姑緩雷霆而忠賢且爲封
豕長蛇毒流中外况忠賢漫誇慙直正以文
其奸欺

皇上輕信小心日每恣其大膽使形見勢彰可
疑可猜之人猶然旦夕

皇上左右識者危之若忠賢隻手障天自殺王
安之後無日不借事生端箝制言路蔽

皇上之耳目掃天下之忠直如論客氏一疏則
立斥朱欽相倪思輝王心一相繼去如論李
寶一疏則加怒章允儒幾不測矣如借內相
王宇則謫處帥衆不旋踵矣向非

皇上轉圜凡茲骨力諸臣不墮危機則羅重錮
此又憲臣毓所未及而忠賢遂不勝誅矣蓋
從來刑餘之屬忠直絕少故交結之案律例
獨嚴臣猶記唐葉京遇宦官于塗馬上一揖
詢議喧然遂終身不錄此無論曹節王甫之

焰不可呈身卽呂強張承業之門亦不宜托
足彼通奸附逆占風望氣惟勢是依有一干
此則有莊士元之例在若縉紳士夫以其墮
落市朝之誅其又何道謂宜如憲臣急逮忠
賢究問果有交通呼應諸不法實事立請尚
方以振士節而雪國恥此更于除奸剪逆之
內寓勵世磨鈍之機所關非細伏惟

皇上大奮乾綱下憲臣討逆之疏明權璫不赦
之罪早正刑章布告中外卽九夷八蠻惕息

聖天子之明威俯首歸命、宗社實永賴之而
閣臣爲今日之韓琦瞻仰在此舉矣臣無任
激切之至

天啓四年六月初四日上

奉

聖旨楊漣奏已發下魏忠賢本只控辭何曾疏
辯陳良訓附和沽名念係言官姑不深究以
後各官還遵昨旨不得瀆擾該部知道

湖廣道御史劉芳題爲逆瑞貫盈罪狀昭著已窮之奸謀叵測莫追之天討宜先懇乞聖明大奮軋斷早賜誅鋤以遏亂萌以安國家疏

臣觀自古奸雄之胎逆也明竊人主之權柄陰劫一世之人心而禍機之倡獮也又每醞釀于堅冰始凝之時而大發于情形益露之日是以英君誼辟正法小人不惜懲殛之誅立鼓風雷之勇誠恐惡極莫可掩計竭無復

之忿焉思逞苟且一擲及此而議典刑祇貽
後時之悔耳如東廠太監魏忠賢者假借
國靈擅行胸臆有彌天之氣焰張蓋世之淫
威 朝野寒心神人震怒諸臣忠義憤盈思
白簡從事竊思

皇上之明聖決不容此大奸大惡終憑城社欲
重發其奸慮反速其逆也 于前月二十九
日知 堂官楊漣已具疏摘發忠賢穢跡如
山罪累難書筆舌靡盡嗣接邸報要其過惡

大端昭灼人耳目者副臣已明告之

君父矣計

皇上一親覽之當必有震電憑怒置忠賢于法
天威不少假借者無何而忠賢駕言慙直以乞
憐反邀 溫綸而副臣之疏束閣數日始發
票擬竟蒙呵責矣此何但短忠直之氣長權
奸之志哉及 臣于此更有隱憂焉不患忠賢
已成之巨憝情狀未彰而患忠賢將然之逆
鋒燎原莫制積久而發其毒必深仍示優容

變故易起此臣所爲漚血呼天不避鼎鑊仰
祈

皇上之一斷也

皇上以今日之忠賢勢尚可一日容于左右哉
詔令天之言也生殺予奪天之命討也而
中旨可以臆裁 綸綍猶如寄取欲去即立
去不顧芝蘭之空類欲殺則立殺其同草菅
之芟夷趨附者牙爪爲收漸成臂指願使之
人異已者薙粉踵至潛示天下嚮往之門試

觀邇年以來誰實使 顧命之元老理學之
碩儒執法枚卜之大臣以及史臣銓臣臺省
臣無不削跡歸而黨錮禁者非忠賢之爲乎
誰實貽 宮闈之螫毒忠璫之慘死又動輒
立枷恫數十之冤鬼無辜羅織任士民之向
隅者非忠賢之爲乎 官府之間畏忠賢不
畏

皇上袞鉞之典自忠賢不自

皇上頻笑喜怒忠賢市其威稜過舉指名

皇上受其貽累以茲所作所爲明見無

君無父而猶然盜竊虛聲冀以終欺

皇上而久之罪端已盈無從遮護懷內不自安
之念處莫可誰何之權肆無忌憚甘心首難
一旦爲所願爲者尚忍言哉且從來刑餘之
人富貴及身而止未有子女盈前孩孫擁膝
如忠賢之身家足戀而窟穴可營也雖云關
寺交通中外相與爲非亦未有口銜 天憲
顯然賊害忠良明養私人公然布置羽翼如

忠賢之內結奉聖爲奧援外通士紳爲線索也
太阿之倒持日甚已漸忘其非有意肯
之承奉日使人爭佐其顏行于是有蒙面而
甘爲謀贊提戈而明效馳驅犄角相聯呼吸
相貫逢忠賢之惡揚忠賢之波黨與成于下
主勢孤于上歷觀前代用邪之禍及婦寺爲奸
往往出此姑未暇遠引即如

武宗朝有媚劉瑾者而耆宿不遑帖席

神廟初有阿馮保者而首揆不及束裝事有同

然殷鑒不遠然以彼之事猶曰禍及臣鄰耳臣觀忠賢之聲勢不啻禍及臣鄰而已者彫飾瑩地不難帝制自爲礦窑莊房抑亦奄民疆圉內操作備安知非伏莽之先資進示招搖因灼見無將之逆志况事權在握尾大不掉脫復寬以歲月聽其與僉壬輩早夜圖謀關通脉絡迫難作而噬臍不及悔之晚也臣冒不測之危竭忠盡愚披肝膽于

陛下者誠以 國家之誅忠賢宜亟不宜緩速

之須臾則事變可弭遲之頃刻則意外可虞
蓋爲

宗社計久遠非徒爲時勢扼歎而已伏乞

皇上速賜英斷正法鋤奸逮忠賢付之法司究
其從前過惡明與天下共弃之如 先朝計
劉瑾馮保故事則亂形可杜公憤消紆永無
旁落之萌弘啓太平之日矣

天啓四年六月初十日奉

聖旨

吏部考功司郎中鄒維璉題爲凶逆宜

直氣當申 宗社安危在此一舉懇乞

皇上速俞憲臣言官之請以除亂本疏

臣觀今日天下亦脊脊多事全恃

君側肅清 朝政修明可以撐持大厦于將傾

柰何有厥監魏忠賢橫惡 內廷又添腹心

一大憂足以召 天變而危 宗社也忠臣

大奸大逆種種不法罪狀罄竹莫書憲臣

漣首發其惡討罪之典當不踰日使天下

大聖人之作爲明並日月威同雷霆卽東夷西
戎聞而膽寒豈不美哉乃靜聽數日只見

皇上護庇忠賢惟恐傷之且有督過楊漣沽直
之旨近又罰俸科臣魏大中并責諸臣議
援姑不深院之旨

皇上豈真是非舛誤愛一罪瑯而輕

祖宗天下于一擲乎不過素愛忠賢小心小忠
不忍一旦割弃耳

人主不察養其貫天達地之惡至于罪狀旣盈

人主即欲不割弃不可得王南侯覽李輔國程
元振仇士良我朝曹吉祥劉瑾無一不誅
是也且人主即不肯割弃天下必有代爲
人主割弃者漢之張讓趙忠靈帝至以父母
稱之矣唐之田令孜僖宗至以阿父呼之矣
我朝王振

英廟亦常寵之羣臣之上然而讓忠見殺于袁
綰令孜見殺于王建王振見殺于北虜何有
一人老死牖下以富貴終漢唐癰疽旣潰太

命隨之我朝二正之時其危已甚幸于八相
國脉不至若漢唐耳今

皇上旣以太阿之柄授忠賢而忠賢亦以明操
太阿不肯還

皇上生神龍不可脫于淵國之利器不可以假人
皇上將何以為宗社計乎而抑豈爲忠賢家
族計也凡人臣苦口犯顏以諫

皇上者忠于

皇上也使非忠于

皇上誰無身家性命之憂父母妻子之想而敢
觸雷霆當斧鑕以取摧折之禍也 國命出
于讒口天下事不可爲矣此豈獨憲臣之任
諫官之事乎黃扉元老九列卿貳持危扶顛
安可自處于商輅劉健謝遷韓文之後哉大
臣當以李固杜喬爲法若爲胡廣趙戒國亦
艱矣即詞臣經筵日講亦宜以古今闕禍開
陳以冀

皇上一悟使

皇上鑒古知今寧肯使此大奸逆而不割恩正
法乎今罪狀已彰即不請死于

皇上之前亦宜即日辭職務移住閑宅以示天
下悔過之意或再保其天年決不當再聽奸
人布置挺而走險以求必勝不然天怒人怨
皇上即不肯割弃忠賢天下倘有代爲割弃之
人者時忠賢蓋粉不足惜其如國事何臣願
宸衷穎悟渙發優詔獎勵楊漣以旌直臣并
將忠賢二十四大罪發下法司據律上奏

或赦而不誅亦令謝事退閑庶人言可息

宗社可保矣

臣

知言出禍隨無以報

皇上寵擢之恩故敢冒死以

聞

天啓四年六月十一日奉

聖旨

吏科給事中許譽卿奏爲 君側不可不

清 英斷不可不決乞

聖明割恩正法以消禍本疏

臣歷觀前代漢唐宋以來未有不以宦官弄
權禍 國者漢時鄧通方愛幸一戲殿上丞
相申屠嘉得而檄召論斬其後侯覽王甫輩
朋結趙撝操弄國柄太傅陳蕃身且不免釀
成黨錮之禍而漢始不振唐時閹興貴干預
外事李商隱一長安令耳即收繫獄事聞召

見宣示百官其後王守澄仇士良等專制國
政勢傾中外平章宋申錫李德裕相繼獲罪
卒致甘露之變而唐遂以衰宋時任守忠離
間兩宮右僕射韓琦坐政事堂出空頭勅召
之安置遠州其後童貫梁師成竊弄兵權矯
出詔旨而執政如蔡京王黼復相與表裡爲
奸故都人一目之爲媼相一目之爲隱相而
宋祚竟移若是乎此輩之禍人國也殷鑒不
遠

聖明在上豈意有大逆不道跋扈無禮如左都御史楊漣所劾之太監魏忠賢者漣疏列備悉臣不必再爲更端

皇上試取其疏而一一審閱之如內外盤踞彼此交通廕職累累羊頭狗尾視漢之朋結趙嬈者有以異乎如素廷推之制停黃門之遷奪金吾之秩以至冤斃青衿之命生殺予奪盡在其手視唐之勢傾中外者有以異乎又如內操烏合憂在蕭牆中旨濫觴斥及

忠鯁至于道路傳聞實煩有口甚有爲臣子
所不忍斥言者視宋之典兵矯詔謀間兩宮
者有以異乎是忠賢之身乃合候覽王甫車
守澄仇士良童貫梁師成任守忠諸奸而爲
一人況其僭擬

陵寢乘輿等事又漢唐宋時所未見蓋不赦之
法無將之誅更爲過之而區區鄧通閭興貴
不足相比數矣臣意漣疏一入

皇上必赫然震怒立賜處分庶幾稍洩通國之

憤乃漣疏竟奉 嚴旨而忠賢疏且先取
溫旨旣念其積勞任事又慰其小心供職 臣
始不勝駭異 臣不知奸逆如忠賢何者爲任
事何者爲小心而侈口慙直尤屬欺罔且
皇上亦知忠賢之所以不置辨乎自知罪狀難
欺欲辨而不敢辨也

皇上亦知忠賢之所以自罷乎自知，國法難
逃欲不能而不敢不求罷也

皇上英斷天成亦可以早決矣宋臣有言大臣

不言故小臣言之今漣大臣言矣而

皇上猶未斷自淵衷臣雖小臣又安敢畏罪而結舌不言哉臣恐自此以往大小各官真知有忠賢不知有

皇上萬一忠賢大奸大惡日甚一日更有進于漣疏者亦皆觀望緘默以遵旨爲戒不發一言而

皇上乃真孤立于上矣惟言莫違聖有明訓皇上獨無懼乎臣非不知忠賢口含

天憲股弄群臣漣疏無如之何何有于臣然臣

承乏言路目擊忠賢積惡貫盈天特假手于漣以暴其罪而仍令網漏吞舟實國家治

亂安危所係故敢繼漣之後昧死上言伏乞皇上毅然乾斷毋以忠賢一人而杜夫忠愛之

口此一舉也臣知諸輔臣必勸

皇上割恩必成

皇上正法當不令申屠嘉韓琦耑美千古矣

天啟四年六月十三日奉

公方履

卷一

六之

聖旨

廣西道御史房可壯題爲邪宗自認臣疏
自明仰懇

皇上毅然乾斷立訊厥惡以明科臣心迹以釋
中外羣疑疏

臣謂木先蠹也而後蟲生故人必自疑也而
後疑至近日舉朝請劍誅內臣魏忠賢疏
中皆指及交通舉朝臣工不自疑而科臣
傳樞獨自疑也且舉朝臣工不疑及他人
而獨疑及傳樞有同心何也豈非以其自認

之宗兄傳繼教爲之格手頃臣隨堂官楊連
之後執簡而糾忠賢當誅狀中間臚列交通
羣邪傳應星等不覺義激于中直以傳繼教
爲傳樾所自認之宗兄明白入告者是豈臣
之有意督過于樾哉亦惟是就樾言樾樾卽
以樾之繼教還代之樾耳殊不意此一言也
時樾所口吐而心思者遂不勝疾首痛心急
以邪黨中臣矣夫臣而黨邪也彼傳繼教者
果何如人而樾黨之查繼教之爲東廠理刑

也出身書役營爲較尉忠賢喜其狠猾陰刺
以理刑屬之一無賴棍徒累貲數十萬而故
托身權璫已應切司馬牛之憂乃強認支派
分明者意欲何爲况繼教外張虐焰內借璫
威關提線索代報恩怨小而商役大而縉紳
無不人人重足長安共耳共目槌獨不見不
聞乎若其中之玄機祕竅繼教有靈槌豈無
知乃竟漠然于臺省之公疏單疏任其譏刺
交通摘駁中旨千言萬語刺刺不休而曾

不一過而問顧獨于臣疏中忽漫拈出自認宗兄一語忿不自甘輒謂臣突以交通坐之且謂橫誣且謂迭至豈樾于諸臣諸疏亦覺如芒刺交加行有不慊于心者歟旣已自爲吐露自爲擔承却又從拊膺長慟之餘強欲以發縱二字箝制天下言者之口嗟乎此樾之所以爲樾也纔得聽陳居恭之發縱遂不覺其神爲告之復自供而自招有如此也然臣因是而洞見樾之肺肝亦不過欲自爲脫

卸地耳則何不效居恭故智出袖裏彈文火
攻繼教以謝天下曰疇昔之事教猱升木金
茲之誓滌胃飲冰豈不依然與居恭心跡合
符稱義不受辱之烈士哉倘計不出于此而
動曰邪黨邪黨誣一人以及衆人而徒以臺
省交叅之疏得意列名爲侈言曾不思以列
名則其有中心之不欲列名可知矣自作之
孽人乎何尤嗟嗟江右固君子之鄉也臣居
恒慕之盖亦嘗數數侍諸大君子之教矣親

見其所服習者彬彬理學所矜尚者侃侃氣
節有槩若此臣不知其異日者貴游而歸將
作何面目以強對其鄉之先達長者于里閭
中矣伏惟

皇上念舉朝之疑不可不釋卽科臣之自疑
亦不可不釋乞

勅將傳繼教與傳應星等併下于理會官究問
早爲剖斷庶科臣之心迹可白而國法其
幾振乎

浙江道御史房可壯奏爲

聖主不容有權璫

聖主不宜拒忠諫仰懇

皇上大奮乾剛立賜處分以遏亂源以清士風
以維億萬年泰運疏

臣
見我

祖宗定制設立六科十三道 命爲言官因竊
自思官以言名則凡 官府內外巨憝大猾
無所不可言不得言何至使盜權竊柄欺君

公天賜年 卷三
蠹國如東廠之魏忠賢目不識丁心原無血
質蠶性狠氣雄膽粗者以久踞

君側濁亂 朝政處處羅布爪牙以張威焰日
日密結心腹以傾害善良一至兇窮惡盈而
尚未有明著一言以告我

君父者則何以故無亦仰念我

皇上冲齡踐祚天縱

聖神日月之照無須豈遺遠近雷霆之怒有待
終不優容雖諸臣非敢坐視任忠賢之穢惡

或諸臣亦欲少需聽

聖明之獨斷乃言官未及疏糾而臣堂官楊漣
義不反顧已特疏糾之臣堂官方以疏糾而
科道諸臣且摩肩拜疏或公糾或單糾惟日
不足有加無已蓋已力數忠賢罪惡之大直
發忠賢秘密之藏忠賢即百口以自辨附忠
賢者即百口唆訟以求明亦終無以爲忠賢
盡一奇措一語者是豈其諸臣之故排忠賢
則惟是忠愛一念鬱極勃發知有

皇上自不復知有忠賢其大不利于忠賢者政
所以大有利于

皇上也乃

皇上于忠賢疏則批發先下爲之剖明爲之獎
許而于憲臣則加之呵責于諸臣則付之姑
不究致令舉朝大小臣工低回歎息嗟

綸綍之失宜歎政體之倒置且相與鰥鰥焉
其抱杞人憂此其憂誠是也然諸臣所憂者
前日之忠賢而臣所深憂者今日之忠賢也

何也忠賢之侍我

皇上左右非一朝夕矣

皇上之起居好惡忠賢已備習之熟知之矣因以投好去惡遂敢蔽日障天實妄意

皇上之終不知外臣之終不言也曾不意外臣言矣豈無不及言者乎

皇上知矣況有不及知者乎現見雪消忠賢果坦然自安否見影察形

皇上果渙然無疑否縱使

皇上無疑于忠賢竊恐忠賢不能無疑于

皇上之疑之也借疑起懼怖死貪生平素恩濃
寵固之人而一旦覓全身遠害之策語曰疑
人莫用憂政在此諸臣所深憂者今日之忠
賢而臣所過計者異日之忠賢也何也
皇上方以恩蓄忠賢忠賢顧不以恩報

皇上即云垂念其潛邸微勞不至使其就死亦
當痛懲其竊弄威權不得令其復近況忠賢
雖能求免于今日果能自必其更免于異日

乎即

皇上能使今日之免忠賢果能自必異日之更
免忠賢乎惡黨之見最短惡黨之慮最深業
已委轡焉復防之既密邇在肘腋之間且朝
夕謀蕭牆之變縱忠賢萬無此心惡黨方先
爲導倘忠賢一有此心惡黨必力爲決從來
婦寺相倚爲奸內外交通煽禍此臣所深憂
過計者內之忠賢而臣所拊心疾首者更在
外之忠賢何也邇來紀法陵夷徑竇開張或

念急梯榮輒不顧名節之掃地但術工營窟
便自神伎倆之通天在忠賢敢以

皇上爲孤注在傳應星傳養全陳居恭及科臣
傳樾所自認之宗兄傳繼教等輒以忠賢爲
冰山無一時不傳消遁息呼吸立應時而密
用精神陰以中人則設機伏弩鼓其舌以提
掇內之線索時而幻用精神陽以欺人則蒙
頭換面轉其腔以塗飭外之耳目蓋姓姓互
引親親共締內與外扛成一片焉與蘿永結

百年此其機不盡傾

皇上之善良立覆

皇上之邦家將毒心辣手勢有不得已者自
來省台之疏不下二三十上蓋無不人人以
交通

中旨爲慮則是 廟堂之公論業已彰明較著
彼哀如充耳若罔聞知者謂之何哉嗟嗟禮
義廉恥國之四維么廢刑餘何足與証且尤
然揚言引退曾是以狐媚之術通忠賢者累

忠賢仍反有覲面目貶玷班行臣竊恐忠賢輩之掩口而私議其後矣臣言官也觸邪者責在言官除邪者責在輔臣臣嘗從班行間聞

先帝當彌留之際曾諭輔臣等輔我

皇上爲堯舜之君矣今璫權重而附權市重者累累若若養世亂而汚士風殊非

堯舜之世所宜有也懇惟我

皇上自爲 宮闈計自爲

社稷計即據魏忠賢諸不法狀重加顯戮不則
斥逐遠竄亦得早圖以除內奸其傳應星等
或下詔獄或下法司仍 勅下從公究問依
律正罪以除外奸統惟輔臣一意主張力請
皇上毅然斷而行之

宗社無彊之休端基于此若曰言出禍隨臣言
官也言行而身危夫復何憾

天啟四年六月十三日奉

聖旨

工科左給事中熊奮渭題爲亟納舉朝擊
邪之疏以清宮禁疏

頃者東廠太監魏忠賢之被叅也列款多端
其有隱奸秘慝貽

九廟神靈之恫爲

皇上所未及知而憲臣楊漣首摘之此謹論也
有窮兇慘惡犯無將之戒爲中外久已扼腕
者而諸臣相繼發之竊意

皇上睠念宗社深惟儉壬立行其言而明正

公天賜年 卷十二
其罪合 官府翻然覩廓清之象即不然而
姑與懲艾曲開一面早收厥衛之柄用允投
閒之請僥倖于

明主之不即戮豈不至公至仁賞罰大興自

天子出曾無何于忠賢之辯則原其小心能任
事矣夫近習小心成于敬謹豈謂擅黜陟擅
生殺擅命令之足當勤勞也于憲臣之疏則
稱其沽直非忠愛矣夫大臣指佞自其風紀
若以言人所不敢言者爲沽直必至當言而

相戒不言者之爲忠愛也于諸臣之疏則稱其逞臆瀆擾罰者罰姑不究者不究一槩切責矣夫言官指及乘輿

天子改容豈以通國切齒之中涓合詞糾之不得令其人人聳息宸嚴無繇一希折檻盛美不亦長權宦之焰而短忠良之氣也臣又有以諒

皇上之心矣毋亦曰此一忠賢也

皇上毓養東宮之日朝夕與共迄正位龍飛

之後逢迎爲勤一旦何忍敝屣其簪履故小不忍耳不知從來大奸大逆未有不假小忠小信以取容者寢假而心粗膽大惟其所欲爲而不肖之心起寢假而手滑顧後欲永保其欲爲而不懼不克終其所爲而無忌之謀逞矣曷不思之也蓋國家獨有此機權耳權之在握如太阿之不向邇而倒持之則折機之待發如風霆之不可掩襲而濡操之則墮倘猶其見而不能退退而不能遠則狐疑之

極養成厠噬兎營之深轉肆鴟張見禍稔蕭
墻患生帷幄天下事尚忍言哉惟

皇上赫然乾斷大賜處分

社稷終賴之矣

天啓四年六月十四日奉

聖旨

廣西道御史王政新奏爲微臣言所已言
皇上究所當究逆璫辨所難辨 國法憲典遵
所當遵疏

臣稽往牒歷數中官已事若秦之趙高漢之
曹節王甫唐之田令孜仇士良宋之童貫至
我國朝之王振劉瑾馮保輩一切擅勢專
權濁亂朝政盤據禁廷妄作威福有罄竹難
書更僕未易數竟而今日太監魏忠賢則兼
而有之者也先是 臣堂官左都楊漣慷慨論

列二十四惡狀以 上聞事事犯大奸大逆
件件皆真見真知嗣是大小臣工特疏合疏
分疏計兩日而六七 上一日而三四 上
焉嘔血剗心千言萬語唇敝舌焦頰禿急急
孜孜皇皇憫憫只欲博

皇上一悟此皆諸臣所已言而 臣似可以不言
者獨計人言雖衆

聖意未回前者傳 諭明旨讀竟有姑且不問
又 諭有隨聲附和抗違不遵的 國法憲

典俱存決不姑息

臣

反覆思維而

國是何

法典是何憲也豈今日之國法憲典只爲
廷臣外臣設而不爲內臣設也又不爲內臣
之大奸大逆彰露顯明者設也

皇上于此可以不問魏忠賢于此因可以不辨
也竊恐奉此明旨傳聞內外而忠賢番得
一護身之符保命之丹衛生之券矣將來剪
蔓難圖噬臍無悔追駟不及而

宗社生靈之隱憂伏禍有不可知不可言者

皇上試取諸臣章奏滿公車填 御前乞 省

覽者而畧一過目一留神照彼忠賢所怙何
惡所犯何條所應得何罪

皇上可以不問而忠賢之不辨遂置不問夫忠
賢何以不辨也不敢辨也忠賢誠膽大包天
情知我

皇上有照膽之鏡在一辨即明此際魄散魂搖
敢辨耶忠賢誠心奸極淵情知我

皇上有印心之鑑在一辨即真此際委首縮頸

敢辨耶忠賢口舌即巧如簧捷如軸螫如蜂
蝎情知我

皇上有斷把持羣醜之尚方者在一辨明而真
即剗決如流此際失身濺血塗粉無地敢辨
耶大抵忠賢如虺如兇又如鼠如鼯雞能鴟
能張又能啼能笑能出能藏前倨後恭小廉
曲謹大率類此今忠賢不辨

皇上即爲之不辨而槩置不問矣天下臣民謂
我

皇上天資聰明無所不聰明及至到忠賢一事
聰明何以反蔽也

皇上性格英敏無所不英敏及至到忠賢一事
而英敏何以反不斷也 國法未彰 朝端
所危憲典雖赫

君側不清 臣竊恐

皇上于忠賢爲養癰也養癰之毒毒必深而難
潰爲養虎也養虎之害害必叵而難撓爲飼
鷹也飼鷹之戮戮始周行而已不可捉摸矣

若其甲第如雲旧連阡陌合門姓氏拖紫曳
金雋宅營祠題坊旌額邀異數累殊榮

皇上何負于忠賢而敢犯無將敢甘跋扈敢爲
多翼之獸添足之蛇吞舟之鯨摠過于前代
趙高等輩之奸惡而毫不知有我

皇上哉臣豈不知興言及此猶可望

皇上濬威嚴寬宥微臣狂愚激聒至其于魏忠
賢則爲撩蟒鬚履虎尾迫患若撼山之螻撲
燈之蛾而不瞻前顧後然而身受

聖恩職分言責圖得

聖心即轉即悟即不以小不忍亂大謀而廷

斷決發鋤今日奸宄杜將來隱禍造

宗社生靈無疆福澤

臣

即捐軀不保可以謝

二祖列宗在天之靈而更不負

皇上養士之恩也冒死陳詞伏望

皇上特斷施行

天啟四年六月十八日奉

聖旨

陝西道御史梁元柱穹蒼之告變已事

聖主之去奸宜決懇祈 睿斷立擊權璫以急

快憤盈之正氣潛回怒譴之天心疏

臣惟宇宙間陽能制陰陰必不可抗陽此

天地之大義也陽制陰則順而常陰抗陽則逆

而變此天人不爽之真符也今日 朝廷間

在族類則君子爲陽小人爲陰在 宮府則

廷陞爲陽 禁密爲陰在羣僚則百執事爲

陽闡寺婦爲陰頂逆璫魏忠賢罪惡貫盈無

君無天神人共憤且與奉聖夫人共相朋結
已構成建寧之累輦谷之下敢怨而不敢
怒廟堂之上敢怒而不敢言獨臣堂官楊
漣疏叅大罪二十四款侃侃鑿鑿天鑒洞
昭當斯時也

上帝實爲之式靈

祖宗實爲之假口乃

皇上不亟聽其謙謨竟以尋聲沽直黜旣而遍
臺省諸臣復著惡聲罪章滿公車

皇上又不早賜之園轉並以同聲贊擾黜又旣
而遍部寺大臣危言叩關而天聽如故又
旣而羣臺輔閣臣微諷納牖而奉傳如故夫
忠賢一闢宦耳舉朝之所共非在

皇上不能獨是普天之所同弃在臣鄰必非獨
仇何至煌煌綸綍獨倚奸橫之刑餘槩沮
忠直于入告幾于我父我母我仇我讐

皇上之拂諫日堅一日奸竊之寵靈日專一日
忠賢之盤據日深一日宗社之隱憂日甚

一日

皇上故稱堯舜主也一時舉動不知何以若此
滿朝洶洶屏息重足半月之內簾陛之間煬
灶蔽明豐蔀掩晝一結成堅冰冥晦之景象
人心爲之梗塞

祖宗爲之悽恫

天地爲之慘澹倏而昨十四日凄風暴雨殞雪
彌空如拳如石注擊移時幾旬驚惶不知所
出臣相向錯愕婉轉圖維以爲近日朝廷

無事可召變則忠賢實致之忠賢未必能動
天則

皇上實致之

皇上謂權奸不足疑將天變不足徵乎謂人言
不足信豈天心可不順乎

皇上試對揚休咎之符何以前十日躬虔露禱
而甘澍萬家何以後十日寬庇逆璫而雹降
六月徵應之機固的的不爽也非乘此譴告
修省急攬大權急震天威將忠賢立賜處

分 禁闥一清隱憂永杜不然人情愈盈

天心彌隔 宮掖之變有不忍言者臣即碎

首剖心願與李杜齊名不能爲

皇上効涓埃也納諫除兇予以回 天運社在

聖明頃刻圖之耳

天啓四年六月二十一日奉

聖旨

貴州道御史張鑲懇乞

聖斷亟除內奸

疏

臣聞政權不可一日不在朝廷不在朝廷則在宮闈在朝廷則治在宮闈則亂夫宮闈者何人即朝夕在人主之側人主所信爲勤勞小心忠直任事隳其術中而不知覺也則婦寺是也太監魏忠賢交通奉聖夫人彌縫左右竊弄威福以嬰孩待

皇上而以奴婢待宮人其視閣臣如贅疣而視

諫官如仇寇氣焰灼天網羅遍地遂令生者
重足而立死者含冤而泣在朝者有抱蔓之
悲在野者屢杞憂之慮憲臣楊漣首倡大義
抗疏論列繼而卿寺臺省連章糾劾

皇上試取諸臣疏一寓目焉以諸臣視

皇上爲何如主哉况

臣

小臣也言何益然

臣

料

皇上之心不聽而遂不言又

臣

大不敢也用是

不避煩聒爲

皇上陳之竊謂忠賢前日之枯寵作威其罪大

今日之飭非文過其罪更大

皇上前日念忠賢微勞令奔走左右其先猶小
今日知忠賢橫肆聽其盤據肘腋其失更大
今日

皇上于忠賢有必不可不去者也

祖宗朝聞闈官不許干預外政

太祖時有內臣言政事者上切責之即日遣還
鄉里

孝宗時凡召大臣議事必屏斥內官退去數十

步非惟不使之預亦且不使之聞今忠賢專權擅政

九廟有靈必陰殛也

皇上略不爲意是爲不遵

祖制人主之德莫大于明斷如日月之無私奸邪必燭如風雷之迅烈時刻不逾忠賢罪惡貫盈

皇上始不能知今諸臣言之而

皇上知之猶不能去則隳其主德

人主一嚬笑一舉動無不與

上天相感去歲災惑守斗今春風霾晝晦地震迭見是

上天明示以宵人用事陰盛陽微之象大臣者人主之心腹也小臣者

人主之股肱耳目也今大臣言之則爲牽誣小臣言之則爲附和諛官言之則爲瀆擾將舉朝無一忠愛之臣而

皇上之心腹股肱耳目盡付忠賢一身臣恐諸

臣人人解體而

皇上乃真孤立于上也雖我

皇上聰明天縱仁孝性成豈真不法

祖不畏天不敬大臣不容直臣唯一忠賢之言
是聽是從哉蓋忠賢之奸如鬼如蜮無事不
上下其手而忠賢之黨爲狐爲鼠無處不用
陰陽之術彼諸臣之疏安知無隱匿不以進
御覽乎即所進者安知不以言官之過端以激
皇上之怒乎且進之時又安知不涕泣仰求苟

容以乞憐

皇上之前即在旁之人安知無客氏輩窺伺
意旨委曲寬譬代爲解脫以希

皇上之見信乎

皇上之所以愛忠賢者出于至誠而忠賢之所
以欺

皇上者入于至神且以爲過直爲小心也

皇上何不于御門之時親渙玉音進大小九卿
科道諸臣詢以忠賢之惡將見赫然一怒有

不待

臣

言之畢矣

臣

此疏一上知

皇上必責

臣

沽名必曰不諳事體然

臣

所諳者

先朝劉瑾馮保之事體所不諳者輒近緘默

將順之事體也又必曰姑不究然

臣

欲

皇上嚴究忠賢欺罔之罪并究

臣

愚戇之罪也

伏乞

皇上俯察羣臣之言將忠賢亟賜處治即不遽

膏斧鑕亦宜投之邊戍以爲內官專恣者之

戒至客氏亦望早賜斥逐就外居毋聽與忠

賢交通則紀綱嚴明儼邪屏息實神人莫大之慶

宗社無疆之福也不然騎虎難下桃蟲拚飛他日之禍將有不忍之矣

天啓四年六月二十七日上奉

聖旨

貴州道御史張鑛奏爲巨憝雖已伏誅姦
黨尚多漏網直陳媚璫之臣以申國法
以昭公論疏

竊惟閹宦之惡甚于毒藥猛獸然不盡繇閹
宦也皆繇一種無耻縉紳附之而成翼之而
飛而禍卒亦縉紳受之逆惡魏忠賢崔呈秀
表裏爲奸威福獨擅已經

皇上睿斷處分臣謂忠賢不能自爲也忠賢特
受人擁戴而還爲人喉使者耳卽呈秀亦擁

戴之穢濁彰聞者耳臣記甲子年初入班行
惟時權璫之勢已漸漸縱橫然而未甚也卽
縉紳中有通內者猶厭然畏人知或有知其
爲通內者猶逡巡不自安蓋尚知有廉耻焉
臣目擊心憤曾具疏懇乞宸斷亟除內奸
一疏大觸忠賢之怒幸

先帝優容不加譴斥臣時適與病會隨請告
歸里以避其毒不意後來愈趨愈下忠賢之
氣燄日熾月昌而附忠賢者之精神亦日新

月異有顯而附之者建生祠等是也有隱而附之者青衣小帽行八拜禮呼千歲是也有直而附之者稱功頌德等是也有曲而附之者結魏良卿爲兄弟認崔呈秀爲義父是也有拙而附之者以珠玉爲羔雁以苞苴填豁壑是也有巧而附之者以搜括爲公忠以鍛鑠爲精明是也有先意而逢迎之者忠賢意所欲去則代爲驅除意所欲用則代爲荐拔是也有後事而獎借之者如談邊事則歸美

于鎮守之內臣談餉務則歸美于督漕之內
臣是也有先叅之而後附之者初猶迫于公
論後則露其本色者也有先附之而今叅之
者勢炎則甘爲小人以逐羶勢敗則冒爲君
子以護身也有附忠賢而爲忠賢所弃者是
邪佞之屢憎非方正之不容也種種情態備
極醜惡今冰山旣頽猶嘒嘒自解是隱忍以
避禍委曲以觀變也夫果懼禍胡不託冥鴻
之高舉卽果觀變第緘默養晦焉可乎胡爲

賜竈之不置而祝釐之恐後也敢作新美之
論以飾解嘲之非設有夾日之忠妄希博名
之迹諸臣縱不自羞恐旁觀者已代爲之羞
矣臣請舉媚璫之臣而槩言之有三等焉其
一等漏盡鐘鳴之輩彼計忠賢得權之日長
而一身受用之日短故苟可邀福于目前不
惜遺臭于身後者如劉志選等是也其一等
希榮干進之夫彼見株守者循資而積俸可
以遷趨者一歲而九遷遂不惜枉尺之謀爲

直尋之階如楊夢寰李養德等是也其一等
乘機報復之徒彼計威福操自朝廷則臣
下誰敢妄干威福出自貂璫則么麼亦可私
借苟可快一時之意不悔終身之防如朱童
蒙是也楊夢寰以兵科兼管工程得與呈秀
朝夕密邇因而投身于忠賢從來工部錢糧
俱交節慎庫收放夢寰欲便已私遂串合呈
秀嗾忠賢更變

祖制設立內庫數年間外解及搜括捐助銀兩

飽夢寢之私橐者不知其凡幾也且與呈秀
此倡彼和創爲差回御史催欠物料之議使
其議果行處處皆黃山之續矣大臣王永光
因天變直言正老成憂國之苦心乃夢寢
自陳一疏若怨若懟且俟而冏卿俟而司空
俟而宮保卒邀溫綸拾美廕以去若而臣
者真漏網之鬼蜮也李養德以已未進士躡
躋尚書晉秩太傅有何品望而速化乃爾不
過拜忠賢爲義父奴顏婢膝以承歡又日伺

廷臣之動靜以報之本廠而肆其婪非則不
獨爲忠賢之孩兒而并爲忠賢之番役矣又
何怪其忍心悖理母死不奔喪乎若朱童蒙
尤異焉童蒙初亦依附有道然爲兵備蘇松
時暴戾貪縱江南士民怨入骨髓巡撫周起
元據實糾叅職自應爾旋奉 旨責起元以
排擠抗違而鐫其秩

皇上試觀國家自設官未有巡撫以叅一司道
而削籍者乎此非有通天手段何以若是蓋

起元曾疏救楊姜以此開罪于李實童蒙爲起元所叅怏怏不平遂暗通線索使李實潛通忠賢而起元罷矣厥後李實又有欺

君蔑旨一疏叅起元并周宗建繆昌期周順昌高攀龍李應昇黃尊素等六人而起元逮矣聞李實在杭州時每向人暴白以出疏原非已意乃他人做就迫之具奏雖未必出自童蒙之手然李實不叅起元于他日而叅起元于叅童蒙之後不可謂伯仁非由我而死

也不然何叅呈秀者殺而叅童蒙者亦殺也更可鄙者童蒙以媚璫而得巡撫便因巡撫以媚璫延綏何地此時何時不聞選將練兵惟以建生祠爲首務以至引例奪情漠然罔顧倫理又禽獸之不如也夫童蒙必曰忠賢欲爲呈秀地也嗟乎巖關重臣數年捍圉尚不惟奪其應得之廕且促之以守制何獨戀戀一童蒙必與呈秀養德而並留也伏乞皇上赫然一怒將朱童蒙李養德楊夢寰亟賜

處分其劉志選者薰心事璫倒身逆閹羅織
皇親離間 宮闈已犯無將之戒難逃不赦
之條宜 勅法司依律擬罪臣非苛求四臣
也去惡務盡行法貴平四臣不處不惟 國
憲未伸且無以服被處諸人之心矣若李實
以一䟽而殺多命且激變吳民幾成大禍罪
不在忠賢下并 勅法司徹底根究原䟽出
自何手庶奸黨無躲閃之地而 新政益光
矣周起元盡職任怨忤璫受禍被逮之日漳

人士相顧墮淚至橫坐以十萬之賊令其妻
子流離戚族驚逃尤爲可憫乞 勅該部從
優議 卹他如劉弘化梅之煥程註等皆以
楊漣熊廷弼故誣多賊今梅之煥程註已蒙
恩超豁則劉弘化之賊想亦

浩蕩之恩所必宥也 臣從田間來不識忌諱謬
憶忠憤伏乞

聖明省覽施行

崇禎元年二月初二日上

二月初七日奉

聖旨這本說往日媚璫情事義正詞嚴可稱謹
論劉志選業經處分楊夢寰李養德朱童蒙
李實已有旨了周起元觸璫被禍從優議卹
劉弘化受誣之賊并行查豁該部知道